




Future-proofing our children

Sikolo sa la Sunda: 2

Toho ya Tuto

Muapositola Pitrosi mwa tolongo

Buka ya Bashemi
Sikolo sa la Sunda sa mwa malapa



Balatiwa Bashemi

Mu amuhelwa kwa tuto ya “**Muapositola Pitrosi mwa tolongo**” ya sikolo sa banana sa la Sunda 2. Pampili ye, imi tusa hainyani ka mo, muswanel ku fela tuto ye:

Mo muswanela ku itukiseza ni fa tuto ye

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kuesa
1.	Mu kena fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: • Bibebe • Ma pampili a likisizwe kale a tuto ye. • Buka mwa sebeleza mwanana, lopitoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fa halimu a tuto (ha ku konahala) • Katekisma ni buka ya lipuzo ni likalabo (Kwa banana ba bali mwa lotopa za Tiisezo) Mamela: 2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teelesa ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kau hanyizwe ka itopa (Sikolo sa la Sunda, Taelo ya silumeli ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela Yena.
4.	Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa Malapa

Mo kuswanehela ku itukiseza ni fa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amanwi a sikolo sa la sunda.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zemwi ku amana ni tuto ye.



Tuto

Toho ya tuto	Muapositola Pitrosi mwa tolongo
Timana ya Bibe	Likezo 12: 1 – 17
Mutomo/ butokwa bwa tuto	Banana ba ituta kuli Mulimu u bukeleza batanga ba hae mi ba kala ku utwisisa butokwa bwa ku lapelela ba bamwi.

Tuto ye kusufalizwe:

Balumeli ba pili mwa Jerusalema ne ba nyandiswa ahulu. Mulena Heroda Agriripa a swala ni ku kenya Pitrosi mwa tolongo a sina mulatu. Mulena na ikutwa kuli Pitrosi neli sila kwa mubuso wa hae ka mukwa wa ku hasanya linzwi la Mulimu kwa balumeli mi ka cwalo a lela ku mu tisa ni ku mu zekisa fapil'a nyangela Paseka ha i se i felile.

Ba kopano ya keleke ya hae kaufela bona, ba tiiseza ku mu lapelela ku Mulimu. Ba kupa ku Mulena Mulimu kuli a sileleze ni ku ku tusa muapositola wa bona. Ne bana ni sepo ku Mulena mi ka cwalo ba lapela busihu kaufela kuli kube ni makazo.

Onafo, sicaba sa utwa ya na ngongota fa munyako, mi neli muapositola Pitrosi a to ngongota fa sikwalo sa kwa makozwana, A tolokela ba kopano kuli na tamilwe mawenge ni kuli yena ni bankanteli/masole ba tolongo ne ba lobezi, nako yeo liseli ha li benya mwa tolongo ni ku mu zusa. Lingeloi la Mulena la mu bulelela kuli a yeme, mi honafo, mawenge a wa kwa mazoho a hae. Minyako ya tolongo ya kwaluha mi a zamaya ku zwa mwatani kusina lisole lene li muboni kamba ku lemuha. Mulena na lumile lingeloi la hae ku to lukulula muapositola Pitrosi ka litapelo za ba kopano yani.

Kaufela bona ba itumela ku Mulimu ka makazo ya tukuluho yeo.



Kanti tuto ye italusa sikamañi ku luna kacenu?

- Ha lu lapela mwa litapelo za luna ku lapelela ba Apositola ba luna, baeteleli ba keleke, mizwale ni likezeli, Mulena u utwa litapelo za luna.
- Balumeli ba keleke ya ba-apositola ba banca ba lapelela cwalo ni batu ba ba timezi kale. Ha lu eza kezo ye, lu kupa Mulena kuli a tuse bao ba baile mwa sibaka sa mwa buse mwa mayemo a siyo hande.
- Mwa buka ya Mateu 18:20, Mulimu u bulela kuli “Batu ba babeli kamba ba balalu ha ba kopana ka libizo la ka, ni na, ni teñi mwahala bona”

Lipuzo zemwi ze lu kona ku buza:

Puzo: U hupula kuli ba kopano ne ba ikutwile cwañi ha ba bona muapositola Pitrosi fa munyako busihu bwani?

Kalabo: Ne ba tabile ahulu ni ku itumela ku Mulimu kwa ku utwa ni ku alaba litapelo za bona ka ku pulusa muapositola Pitrosi. Ne ba boni ni kuba lipaki kwa makazo.

Puzo: U hupala kuli libaka ki lifi ha lu swanela ku lapelela ba Apositola ba luna ni baeteleli ba keleke kacenu le?

Kalabo: Bana ni musebezi o mutuna, wa ku lu lukisa kwa puluso ya luna ni kwa lizazi la zuho ya pili. Lu lapela ku kupa Mulimu ka ba fa maata kuli ba feze musebezi wa hae.

Puzo: Kana u kona ku hupula nako yeo ha no lapelezi mutu yo muñwi?

Tapelo ya bo Ndate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kachenu

Fuyola bashemi ni banana ba luna

Tusa kuli lukone ku lemuha ku bateni kwa Hao

Fuyola tuto ye lu taba ni yona

Lwa kupa, ulu lute mo lu swanela kuku sebeleza

Mi ulutuse ku eza tato ya Hao

Kuli lu hule mwa kuba bukaufi ni Wena

Luma Jesu ato lunga

Mi ulutuse kuba baba itukiselize ku mukatanyeza

Amen